

Երկրորդ անգամ եստաղ արար զըստակն ցած չանցանել, և զուռուշն ճ ընդ ասլանլուին և է տրամ եւ Զ տրամ չառնէին: Եւ ի հանելն զկեօմրուկճին քաղում միւրի մնայր պարտք նմա և հափս լինէր վասն խարաճին եւ կամէր ժողովել. տէֆտէրտարն իւրն հնարեցաւ եւ մարդ եղ ի վերայ զի զժողովեալ խաւրաճն ինքն առցէ, Յուլիսի Ժ. եւ ժողովէին խոշոր ըստակ եւ ասլանլու ճ առնէին եւ զօլաթայ կէ:

Զղատին փոխեցին զազիէսքէր արարին եւ Գշի ԺԵ որ օր արաֆա՝ զիմամն եկեալ ի Մուրթազէ սպանին և զսարայն կողոպտեալ բերին յարքունիս, վասն որոյ և Ե Զ փաշա զօրօք առաքեցին ի վերայ նորա առ ի չքել:

...(*) Եւ սուպաշին առնէր հրաման և գրէր զամենայն տունն Հայոց, որք ժամանակաւ առեալ էին ի Տաճկաց, և երթայր ի Թէֆթիշ և հանէր, վասն որոյ և առեալ կաշառս ապա թոյլ տայր. եթէ յայրեալ տեղիսն զայս առնէր և թէ՛ ի Սուլումանասոր: Եւ զայր ոմն սպանեալ տեսեալ ի յՈւսկիւտար և կալան զսահմանացն արս եթէ Ո՛վ սպան զայրն գտջիք. և ոչ ոք գիտաց: Եւ սուպաշին կալեալ զմէյլսանէճիս՝ ասէ. Դուք առացէք փաշայի՝ եթէ զսպանողս գիտեմք, եւ կապեցէք¹⁾ զի ռոճիկս պարգեւեցէ ձեզ. եւ զնոյն յորժամ ասացին յանդիման փաշայի, զամենեսեան ի քիւրէկ հրամայեաց թէ Սուտ վկայք էք: Զտուն ումեմն հրէի եալին կոխեցին ի Գշի եւ սպանին զկին մի և այր, և աւար հարին զտունն, և ընդ առաւօտն տեսանէին զայն լուր լինէր բռնակալաց (Եւրէ):

1) կպցր.

(*) Թուղքեր իմկամ: